

ს ა მ ტ რ ე დ ი ა

არასამეწარმეო არაკომერციული იურიდიული პირი სახლი
თანადგომა

სხვადასხვა საკვები პროდუქტების შესყიდვა
გამარტივებული ელექტრონული ტენდერის მეშვეობით

cpv კოდი – 15800000 - [სხვადასხვა საკვები პროდუქტი](#)

სატენდერო დოკუმენტაცია

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდეგში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.

1.2. სატენდერო წინადადების წარდგენისათვის უნდა იყოს დარეგისტრირებული სისტემაში მიმწოდებლის სტატუსით. შემდეგ ვალდებული ხარტ გაცნოთ აფიდავიტს და დაეთანხმოთ მას (გაცნობას და თანხმობას ადასტურებთ სისტემის მეშვეობით). აფიდავიტის საილუსტრაციო ფორმა იხ. დანართი #1.

1.3. ამის შემდეგ, მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.4. სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს.

1.5. ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების გაუმართაობის შემთხვევაში, ყოველ კონკრეტულ ტენდერში, ელექტრონული გარანტიის წარდგენა და საფასურის გადახდა შესაძლებელია განხორციელდეს სააგენტოსთან შეთანხმებით, ტექნიკური დოკუმენტაციის სისტემაში ატვირთამდე „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით გათვალისწინებული პროცედურების გამოყენებით. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და, შესაბამისად, ტენდერში მონაწილეობის შესაძლებლობა.

1.6. მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

1.7. სატენდერო წინადადება შედგება სატენდერო წინადადების ფასისაგან და ტექნიკური დოკუმენტაციისაგან.

1.8. ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრედენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა ადმინისტრაციული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტებისა.

1.9. ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.

1.10. სატენდერო წინადადების ფასი მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.11. ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

1.12. ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.13. დამატებითი რაუნდების თითოეულ რაუნდში პრეტენდენტებს უფლება აქვს მხოლოდ ერთხელ შემაციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და, შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.14. დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში – კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.15. მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.16. იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.17. თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 დღისა ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე.

1.18. თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით.

1.19. იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაიარა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არაუგვიანეს 5 სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.

1.20. **პრეტენდენტის დისკვალიფიკაცია ხდება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების მე-13 მუხლის შესაბამისად;**

1.21 ამ პუნქტის 1.20 ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს,

თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.22. ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევებში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებული ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზეც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობასთან დაკავშირებული ხარჯები..

1.23. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.24. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.25. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი და ბეჭედადსმული უნდა იყოს (ასეთის არსებობის შემთხვევაში) უფლებამოსილი პირის მიერ.

1.26. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.27. პრეტენდენტს არა აქვს უფლება წარმოადგინოს ალტერნატიული წინადადება.

2. ტექნიკური დოკუმენტაცია

2.1. როგორც იურიდიული ასევე ფიზიკური პირებისათვის სისტემის მეშვეობით ასატვირთი ტექნიკური დოკუმენტაცია:

ა) პრეტენდენტმა უნდა წარმოადგინოს რეკვიზიტები, **დანართი #2-ის** მიხედვით.

ბ) ფასების ცხრილი, **დანართი #3-ის** მიხედვით, რომლის პირველივე ჯერზე წარმოდგენილობა გამოიწვევს პრეტენდენტის დისკვალიფიკაციას.

გ) მომწოდებელს სავალდებულოა გააჩნდეს საბიუჯეტო დაფინანსებაზე მყოფ ორგანიზაციაზე საკვები პროდუქტების (ნებისმიერი სახის) მიწოდების მინიმუმ 3 წლიანი გამოცდილება, **მაგრამ არა უგვიანეს 2011 წლისა.**

გამოცდილების არსებობის დამადასტურებლად წარმოდგენილი უნდა იქნას საბიუჯეტო ორგანიზაციასთან გაფორმებული ხელშეკრულებები და მათი ხელმძღვანელობის მიერ გაცემული ცნობა იმის შესახებ რომ „პრეტენდენტი“-ს (ამ შემთხვევაში ხელშეკრულებით

გათვალისწინებული „მომწოდებელი“-ს) მიერ სახელშეკრულებო ვალდებულებები შესრულებული იქნა სრულად და მასთან „შემსყიდველს“ რაიმე სახის პრეტენზია არ გააჩნია.

შენიშვნა: ტერნდერის შემთხვევაში ხელშეკრულებების წარმოდგენა სავალდებულო არ არის, საკმარისია მხოლოდ SPA ნომერის მითითება-წარმოდგენა.

2.2 იმ ფაქტორის გათვალისწინებით, რომ კვების პროდუქტების მოწოდება უნდა განხორციელდეს მთელი 2017 წლის განმავლობაში, ტენდერში ფასის მიხედვით გამარჯვებული „პრეტენდენტის“ გარკვეულ წილად იდენტიფიცირების მიზნით, სავალდებულოა „შემსყიდველის“ მოთხოვნის შესაბამისად ფასის მიხედვით გამარჯვებულმა „პრეტენდენტმა“ წარმოადგინოს შემდეგი საკვალიფიკაციო მოანგებები:

ა) ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯარო სამართლებრივი შეზღუდვის (ყადაღის) არარსებობის შესახებ.

ბ) ცნობა ფინანსთა სამინისტროს შემოსავლების სამსახურიდან ბიუჯეტის წინაშე დავალიანების არ არსებობის შესახებ

გ) ამონაწერი არასამეწარმეო (არაკომერციული) იურიდიულ პირთა რეესტრიდან

2.3 პრეტენდენტს უფლება აქვს წარმოადგინოს მხოლოდ ერთი სატენდერო წინადადება

2.4. ანგარიშსწორების პირობები:

2.4.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული, შესყიდვის ობიექტის მიწოდებასთან დაკავშირებული ყველა გადასახადისა და ხარჯის გათვალისწინებით, რომლის გადახდის ვალდებულების წინაშეც დადგება „მომწოდებელი“ საქონლის მოწოდებისას, **მათ შორის დღგ-ს.**

2.4.2. ანგარიშსწორება მოხდება უნაღდო ანგარიშსწორებით ლარში.

2.4.3. ანგარიშსწორება მოხდება მიღება-ჩაბარების აქტის გაფორმებიდან 10 დღის ვადაში, მიღება-ჩაბარების აქტის გაფორმებას საფუძვლად უნდა დაედოს „მომწოდებლის“ მიერ წარმოდგენილი ელ. სასაქონლო ზედნაბედი.

მიღება-ჩაბარების აქტის გაფორმების შემდეგ „მომწოდებელი“ ვალდებულია „შემსყიდველს“ წარუდგინოს ელექტრონული საგადადასახადო ანგარიშ-ფაქტურა.

ელექტრონული საგადადასახადო ანგარიშ-ფაქტურის არ წარდგენის შემთხვევაში „მომწოდებელს“ აუნაზღაურდება მოწოდებული პროდუქციის ღირებულება დღგ-ს გარეშე.

2.4.4. წინასწარი ანგარიშსწორების მექანიზმი არ გამოიყენება.

2.5. ხელშეკრულების უზრუნველყოფის საბანკო გარანტია არ გამოიყენება

2.6. შესყიდვის ობიექტის ტექნიკური დავალება:

2.6.1 „მომწოდებელი“ ვალდებულია „შემსყიდველს“ მოაწოდოს ხარისხიანი და უნაკლო საქონელი, რომელიც შესაბამისობაში იქნება საქართველოს შრომის, ჯამრთელობისა და სოციალური დაცვის მინისტრის 2011 წლის 16.08 #301/ნ ბრძანების „სასურსათო ნედლეულისა და კვების პროდუქტების ხარისხისა და უსაფრთხოების სანიტარული წესები და ნორმები დამტკიცების შესახებ“-ს მოთხოვნებთან საქონლის დასახელება და რაოდენობა წარმოდგენილია „ფასების ცხრილში“- დანართი №3-ში.

2.6.2 მოწოდებული საქონლი უნდა შეესაბამებოდეს შემდეგ ტექნიკურ მოთხოვნებს:

	დასახელება	წლიური რაოდენობრი ვი მაჩვენებელი	მოწოდების ფორმა	მოწოდების პერიოდუ ლობა	მიწოდების ადგილი
1	შავი წიწაკა 10 გრ.	1456 ცალი	ქაღალდის შეფუთვით	კვირაში ერთჯერ	სამტრედია, ჯავახიშვილის ქ. #1
2	მარილი	312 ცალი	1 კგ-ნი შეფუთვით	კვირაში ერთჯერ	სამტრედია, ჯავახიშვილის ქ. #1
3	თეთრი პური, 400 გრ-ნი	20488 ცალი	ცალობით დაუჭრელი	ყოველდღე	სამტრედია, ჯავახიშვილის ქ. #1
4	მაკარონი	650 კგ	ასაწონი	კვირაში ერთჯერ	სამტრედია, ჯავახიშვილის ქ. #1
5	შაქარი	1040 კგ	ასაწონი	კვირაში ერთჯერ	სამტრედია, ჯავახიშვილის ქ. #1
6	ვანილი 5 გრ.	520 ცალი	ქაღალდის შეფუთვით	კვირაში ერთჯერ	სამტრედია, ჯავახიშვილის ქ. #1
7	კოწორი	13 ლტ	ასაწონი	კვირაში ერთჯერ	სამტრედია, ჯავახიშვილის ქ. #1
8	წიწიბურა	800,8 კგ	ასაწონი	კვირაში ერთჯერ	სამტრედია, ჯავახიშვილის ქ. #1
9	თეთრი პური, 400 გრ-ნი	39420 ცალი	ცალობით დაუჭრელი	ყოველდღე	სამტრედია, რესპუბლიკის ქ. #6
10	მაკარონი	515 კგ	ასაწონი	წელიწადში სამჯერ	სამტრედია, რესპუბლიკის ქ. #6
11	შაქარი	319 კგ	ასაწონი	წელიწადში სამჯერ	სამტრედია, რესპუბლიკის ქ. #6
12	ორცხოხილა ასაწონი	5 კგ	ასაწონი	წელიწადში ორჯერ	სამტრედია, რესპუბლიკის ქ. #6
13	პასკა 200 გრ-ნი	405 ცალი	ცალობით	წელიწადში ერთჯერ	სამტრედია, რესპუბლიკის ქ. #6
14	კანფეტი კარამელი, სხვადასხვა ხილის არომატით	81 კგ	ასაწონი	წელიწადში ერთჯერ	სამტრედია, ჯავახიშვილის ქ. #1
15	კანფეტი კარამელი, სხვადასხვა ხილის არომატით	54 კგ	ასაწონი	წელიწადში სამჯერ	სამტრედია, რესპუბლიკის ქ. #6
16	ორცხოხილა 200 გრ-ნი	25 ცალი	200 გრ-ნი შეფუთვით	წელიწადში ერთჯერ	სამტრედია, რესპუბლიკის ქ. #6
17	წიწიბურა	15 კგ	ასაწონი	წელიწადში ერთჯერ	სამტრედია, რესპუბლიკის ქ. #6
18	მარილი	10 ცალი	1 კგ-ნი შეფუთვით	წელიწადში ერთჯერ	სამტრედია, რესპუბლიკის ქ. #6
19	ვერმიშელი	400,4 კგ	ასაწონი	კვირაში ერთჯერ	სამტრედია, ჯავახიშვილის ქ. #1

2.6.3 საქონლის მოწოდება უნდა განხორციელდეს „შემსყიდველის მოთხოვნის“ გადაგზავნის საფუძველზე (გარდა ყოველდღიურად მოსაწოდებელი საქონლისა, რომელზედაც მხარეები შესაძლოა შეთანხმდნენ სიტყვიერადაც).

„შემსყიდველის მოთხოვნაში“ მითითებული უნდა იყოს საქონლის დასახელება, რაოდენობა და მოწოდების ადგილი. „შემსყიდველის მოთხოვნა“ „მომწოდებელს“ შესაძლოა მიეწოდოს როგორც წერილობით, ასევე ელ. ფოსტის მეშვეობით (რეკვიზიტებში მითითებულ ელ ფოსტაზე)

2.6.4 მოთხოვნილი საქონლის მოწოდება უნდა განხორციელდეს „შემსყიდველის მოთხოვნის“ წერილობით ჩაბარებიდან, ან შეტყობინების გაგზავნიდან 1 (ერთი) სამუშაო დღის ვადაში.

2.6.5 მოწოდებული საქონელის ვიზუალზე ხარვეზის ან ნაკლის აღმოჩენის, ასევე მის ხარისხზე ნებისმიერი სახის გონივრული ეჭვის არსებობის შემთხვევაში „მომწოდებელი“ ვალდებულია მეორე დღესვე უზრუნველყოს მისი ახალი ანალოგიური დასახელებისა და რაოდენობის საქონლით შეცვლა.

2.6.6 არსებული აუცილებელი და დასაბუთებული გარემოების დადგომის შემთხვევაში „მომწოდებელი“ ვალდებულია საკუთარი ხარჯებით მოახდინოს მოთხოვნილი საქონლის ლაბორატორიული შემოწმების ჩატარება და დასკვნის „შემსყიდველისათვის“ წარდგენა.

2.6.7 „მომწოდებელი“ ვალდებულია ელექტრონულ ვაჭრობაში ფასის კლების შემთხვევაში, ფასის კლება არ განახორციელოს მოსაწოდებელი პროდუქტების ხარისხის გაუარესების ხარჯზე.

2.6.8 იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20% ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაციის მოთხოვნის შემთხვევაში, მიმწოდებელმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა, კერძოდ სავალდებულოა წარმოდგენილი იქნას შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშფაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

2.6.9 „2.6.8“ პუნქტით გათვალისწინებული მოთხოვნის არასათანადო შესრულება, ანუ არასაკმარისი დასაბუთება შესაძლებელია გახდეს „პრეტენდენტის“ დისკვალიფიკაციის საფუძველი.

2.7. ფასების ცხრილი

2.7.1. პრეტენდენტმა უნდა წარმოადგინოს ფასების ცხრილი დანართი №3-ის მიხედვით

სახელმწიფო შესყიდვის შესახებ ხელშეკრულების პროექტი

ხელშეკრულება სახელმწიფო შესყიდვის შესახებ

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

წინამდებარე ხელშეკრულება დაიდო _____ 201 წ.
ერთის მხრივ

(შემდგომში „შემსყიდველი“)
და მეორეს მხრივ

_____ (შემდგომში „მიმწოდებელი“)
(მიმწოდებლის დასახელება და რეკვიზიტები)

შორის.

იმის გათვალისწინებით, რომ შემსყიდველმა ჩაატარა ტენდერი

შესყიდვის ობიექტის მოკლე აღწერა

შესყიდვაზე რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება მიაწოდოს შემსყიდველს ზემოაღნიშნული საქონელი შემდეგ თანხაზე: _____
(ხელშეკრულების თანხა ციფრებით, სიტყვიერად და ვალუტის ჩვენებით)

(შემდგომში „ხელშეკრულების ღირებულება“).

- **CPV კოდი** - 1580 0000 სხვადასხვა საკვები პროდუქტები

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1. „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3. „შემსყიდველი ორგანიზაცია“ (შემდგომში „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4. „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და აწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;

1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. სტანდარტები

ხელშეკრულების ფარგლებში მიწოდებული საქონელი უნდა შეესაბამებოდეს ტექნიკურ პირობებში მითითებულ პარამეტრებს.

3. საპატენტო უფლებები.

3.1. საქონლის ან მისი ნებისმიერი ნაწილის გამოყენების საპატენტო უფლების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

4. ხელშეკრულების შესრულების კონტროლი.

4.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან გამოცადონ საქონელი, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

4.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

4.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული საქონლის შეცვლა და კონტროლის (ინსპექტირების) შედეგად დაზიანებული საცდელი ნიმუშების ღირებულების დაფარვა.

4.4. ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.

4.5. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს ააიპ სახლი თანადგომას დირექტორი ზემინარ ბოხუა

5. საქონლის მიწოდების პირობები

5.1. მიმწოდებლის მიერ სხვადასხვა საკვები პროდუქტების მიწოდება განხორციელდება დანართი #3-ში მოცემული პერიოდულობით, „შემსყიდველთან“ შეთანხმებით, ხელშეკრულების გაფორმებიდან 2017 წლის 31 დეკემბრამდე .

5.2. მიმწოდებლის მიერ სატენდერო დოკუმენტაციით (დანართი #3) გათვალისწინებული პროდუქტების მიწოდება განხორციელდება შემდეგი მოცულობითა და პერიოდულობით:

	დასახელება	წლიური რაოდენობრი ვი მაჩვენებელი	მოწოდების ფორმა	მოწოდების პერიოდუ ლობა	მიწოდების ადგილი
1	შავი წიწაკა 10 გრ.	1456 ცალი	ქაღალდის შეფუთვით	კვირაში ერთჯერ	სამტრედია, ჯავახიშვილის ქ. #1
2	მარილი	312 ცალი	1 კგ-ნი შეფუთვით	კვირაში ერთჯერ	სამტრედია, ჯავახიშვილის ქ. #1
3	თეთრი პური, 400 გრ-ნი	20488 ცალი	ცალობით დაუჭრელი	ყოველდღე	სამტრედია, ჯავახიშვილის ქ. #1
4	მაკარონი	650 კგ	ასაწონი	კვირაში ერთჯერ	სამტრედია, ჯავახიშვილის ქ. #1
5	შაქარი	1040 კგ	ასაწონი	კვირაში ერთჯერ	სამტრედია, ჯავახიშვილის ქ. #1
6	ვანილი 5 გრ.	520 ცალი	ქაღალდის შეფუთვით	კვირაში ერთჯერ	სამტრედია, ჯავახიშვილის ქ. #1
7	კოწორი	13 ლტ	ასაწონი	კვირაში ერთჯერ	სამტრედია, ჯავახიშვილის ქ. #1
8	წიწიბურა	800,8 კგ	ასაწონი	კვირაში ერთჯერ	სამტრედია, ჯავახიშვილის ქ. #1
9	თეთრი პური, 400 გრ-ნი	39420 ცალი	ცალობით დაუჭრელი	ყოველდღე	სამტრედია, რესპუბლიკის ქ. #6
10	მაკარონი	515 კგ	ასაწონი	წელიწადში სამჯერ	სამტრედია, რესპუბლიკის ქ. #6
11	შაქარი	319 კგ	ასაწონი	წელიწადში სამჯერ	სამტრედია, რესპუბლიკის ქ. #6
12	ორცხობილა ასაწონი	5 კგ	ასაწონი	წელიწადში ორჯერ	სამტრედია, რესპუბლიკის ქ. #6
13	პასკა 200 გრ-ნი	405 ცალი	ცალობით	წელიწადში ერთჯერ	სამტრედია, რესპუბლიკის ქ. #6
14	კანფეტი კარამელი, სხვადასხვა ხილის არომატით	81 კგ	ასაწონი	წელიწადში ერთჯერ	სამტრედია, ჯავახიშვილის ქ. #1
15	კანფეტი კარამელი, სხვადასხვა ხილის არომატით	54 კგ	ასაწონი	წელიწადში სამჯერ	სამტრედია, რესპუბლიკის ქ. #6
16	ორცხობილა 200 გრ-ნი	25 ცალი	200 გრ-ნი შეფუთვით	წელიწადში ერთჯერ	სამტრედია, რესპუბლიკის ქ. #6
17	წიწიბურა	15 კგ	ასაწონი	წელიწადში ერთჯერ	სამტრედია, რესპუბლიკის ქ. #6
18	მარილი	10 ცალი	1 კგ-ნი შეფუთვით	წელიწადში ერთჯერ	სამტრედია, რესპუბლიკის ქ. #6
19	ვერმიშელი	400,4 კგ	ასაწონი	კვირაში ერთჯერ	სამტრედია, ჯავახიშვილის ქ. #1

5.3.შესყიდვის ობიექტით გათვალისწინებული საქონლის მიწოდების ადგილია ქ. სამტრედია, ჯავახიშვილის ქ. #1 და რესპუბლიკის ქ. #6.

5.4 საქონლის ადგილზე მიწოდებას უზრუნველყოფს „მომწოდებელი“ საკუთარი ხარჯებით.

5.5 „მომწოდებელი“ ვალდებულია გადასცეს შემსყიდველს ხარისხიანი და უნაკლო საქონელი **ტექნიკური მახასიათებლების გათვალისწინებით**, რომელიც შესაბამისობაში იქნება საქართველოს შრომის, ჯანმრთელობისა და სოციალური დაცვის მინისტრის 2011 წლის 16.09 #301/ნ ბრძანების „სასურსათო ნედლეულისა და კვების პროდუქტების ხარისხისა და უსაფრთხოების სანიტარული წესები და ნორმები“-ს მოთხოვნებთან

5.6 საქონლის მოწოდება უნდა განხორციელდეს „შემსყიდველის მოთხოვნის“ საფუძველზე (გარდა ყოველდღიურად მოსაწოდებელი საქონლისა, რომელზედაც მხარეები შესაძლოა შეთანხმდნენ სიტყვიერად). „შემსყიდველის მოთხოვნაში“ მითითებული უნდა იყოს საქონლის დასახელება, რაოდენობა და მოწოდების ადგილი. მოთხოვნა „მომწოდებელს“ შესაძლოა მიეწოდოს როგორც წერილობით, ასევე ელ. ფოსტის მეშვეობით (რეკვიზიტებში მითითებულ ელ ფოსტაზე)

5.7 მოთხოვნილი საქონლის მოწოდება უნდა განხორციელდეს „შემსყიდველის მოთხოვნის“ წერილობით ჩაბარებიდან, ან შეტყობინების გაგზავნიდან 1 (ერთი) სამუშაო დღის ვადაში.

5.8 მოწოდებული საქონლის ვიზუალზე ხარვეზის ან ნაკლის აღმოჩენის, ასევე მის ხარისხზე ნებისმიერი სახის გონივრული ეჭვის არსებობის შემთხვევაში „მომწოდებელი“ ვალდებულია მეორე დღესვე უზრუნველყოს მისი ახალი ანალოგიური დასახელებისა და რაოდენობის საქონლით შეცვლა.

5.9 არსებული აუცილებელი და დასაბუთებული გარემოების დადგომის შემთხვევაში „მომწოდებელი“ ვალდებულია საკუთარი ხარჯებით მოახდინოს მოთხოვნილი საქონლის ლაბორატორიული შემოწმების ჩატარება და დასკვნის „შემსყიდველისათვის“ წარდგენა.

5.10 „მომწოდებელი“ ვალდებულია ელექტრონულ ვაჭრობაში ფასის კლების შემთხვევაში, ფასის კლება არ განახორციელოს მოსაწოდებელი პროდუქტების ხარისხის გაუარესების ხარჯზე.

6. შესყიდვის ობიექტის მიღება-ჩაბარების წესი

6.1. მოსაწოდებელი საქონლის მიღებისთანავე „შემსყიდველსა“ და „მომწოდებელს“ შორის უნდა გაფორმდეს მიღება-ჩაბარების აქტი.

6.2 მიღება-ჩაბარების აქტის გაფორმებას საფუძვლად უნდა დაედოს „მომწოდებლის“ მიერ წარმოდგენილი ელ. სასაქონლო ზედნადებები.

7. ანგარიშსწორება

7.1. ანგარიშსწორება მოხდება ლარებში.

7.2. გადახდის ფორმა – უნაღდო.

7.3 ანგარიშსწორება მოხდება მიღება-ჩაბარების აქტის გაფორმებიდან 10 დღის ვადაში, მიღება-ჩაბარების აქტის გაფორმების შემდეგ „მომწოდებელი“ ვალდებულია „შემსყიდველს“ წარუდგინოს ელექტრონული საგადასახადო ანგარიშ-ფაქტურა.

ელექტრონული საგადასახადო ანგარიშ-ფაქტურის არ წარდგენის შემთხვევაში „მომწოდებელს“ აუნაზღაურდება მოწოდებული პროდუქციის ღირებულება დღგ-ს გარეშე.

8. ფასები

8.1. შესყიდვის ობიექტის ფასი განისაზღვრება ლარებში

8.2. შესყიდვის ობიექტის საერთო ღირებულება შეადგენს _____

ლარს

8.3. ფასების ცვლილება შესაძლებელია განხორციელდეს მოქმედი კანონმდებლობით გათვალისწინებული ფაქტების დადგომისას.

8.4. ფასების ცვლილების შესახებ ამ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებაზე.

9. ხელშეკრულებაში ცვლილებების შეტანა.

9.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

9.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. უფლებების გადაცემა

10.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

11. სუბკონტრაქტორები

11.1. ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინამდებარე ხელშეკრულების დამატების სახით.

11.2. ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

11.3. ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

12. ხელშეკრულების შესრულების გარანტია არ გამოიყენება

13. ხელშეკრულების პირობების შეუსრულებლობა

13.1. ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, – ყოველ ვადაგადაცილებულ დღეზე ხელშეკრულების ღირებულების 0.5%-ის ოდენობით, ხოლო, თუ კი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 0.5%-ს.

13.2. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს, შემსყიდველს უფლება აქვს ცალმხრივად შეწყვიტოს ხელშეკრულება

13.3. საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

13,4 „მიმწოდებლის” მხრიდან სახელშეკრულებო ვალდებულებებზე უარის თქმის შემთხვევაში „შემსყიდველი” იტოვებს უფლებას დააჯარიმოს „მიმწოდებელი” 4000 ლარის ოდენობით.

14. ხელშეკრულების შეწყვეტა მისი პირობების შეუსრულებლობის გამო

14.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

14.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

14.3. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში.

14.4. ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

15. ფორს-მაჟორი

15.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

15.2. ამ მუხლის მიზნებისათვის „ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არის დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

16. სადაო საკითხების გადაწყვეტა

16.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

16.2. თუ ასეთი მოლაპარაკების დაწყებიდან 3(სამი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

17. გამოყენებული სამართალი

17.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

18. ხელშეკრულების ენა

18.1. ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

19. შეტყობინება

19.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

19.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

20. გადასახადები და დაბეგვრა

20.1. უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

20.2. ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების სპეციფიკური პირობებით სხვა რამ არ არის გათვალისწინებული.

21. ხელშეკრულების მოქმედების ვადა.

21.1. წინამდებარე ხელშეკრულება ძალაშია ხელმოწერის თარიღიდან და მოქმედებს —

22. სხვა პირობები

22.1. არც ერთი მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

22.2. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

22.3. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

22.4. გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

22.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ

შემსყიდველი: მიმწოდებელი:

4. დამატებითი ინფორმაცია:

4.1. სატენდერო დოკუმენტაციასთან დაკავშირებული ნებისმიერი განმარტებების მიღების სურვილის შემთხვევაში დაგვიკავშირდით:

ტელ: 593 99 34 80 - ნაწული კიკაბიძე

მის: ქ. სამტრედია, რესპუბლიკის ქუჩა #6, პირველი სართული.

აფიდავიტი (საილუსტრაციო ფორმა)

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებთ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

- ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;
- უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;
- ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;
- ჩემთვის ცნობილია, რომ ტერმინი „კონკურენტი“ აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;
- მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულ კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
 - სატენდერო წინადადების ფასი;
 - სატენდერო წინადადების ფასის გამოთვლის მეთოდი, კოეფიციენტი ან ფორმულა;
 - სატენდერო წინადადების წარდგენა ან წარდგენისაგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;
- სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავცანი ამ აფიდავიტის შენაარსს და ვადასტურებ წარმოდგენილი ინფორმაციის უტყუარობას.

თანხმობა

სახელმწიფო შესყიდვის მიზნებისათვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერით, პრეტენდენტის სახელით, ადასტურებს დოკუმენტი მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკი :

ბანკის კოდი:

ანგარიშის ნომერი:

ხელმოწერა და ბეჭედი
